

BOSNA I HERCEGOVINA

БОСНА И ХЕРЦЕГОВИНА



Tužilaštvo - Tužiteljstvo Bosne i Hercegovine
Тужилаштво Босне и Херцеговине

*Posebni odjel za ratne zločine
Broj: T20 0 KTRZ 0004090 05
Sarajevo, 01.02.2022. godine*

SUD BOSNE I HERCEGOVINE
- Sudiji za prethodno saslušanje -

Na osnovu člana 35. stav 2. tačka i) i člana 226. stav 1. Zakona o krivičnom postupku BiH, p o d i ž e m:

O P T U Ž N I C U

PROTIV:

ZDRAVKO KANDIĆ, [REDACTED] rođen
25.10.1957. godine u Mostaru,
[REDACTED]

DRAGAN ĐURĐIĆ, [REDACTED] rođen
04.11.1967. godine u mjestu Glogovica, općina Doboj
[REDACTED]

■ **DRAGAN IVANIŠEVIĆ** zv. „Paki“, [REDACTED]
rođen 24.02.1963. godine u mjestu Zalom, općina Nevesinje,

■ **GORAN DOŠLO**, [REDACTED] rođen
30.10.1967. godine u Mostaru,

■ **MILAN TRIFKOVIĆ**, [REDACTED] rođen
14.09.1967. godine u Mostaru,

■ **SINIŠA KANDIĆ** zv. „Batan“, [REDACTED], rođen
25.04.1970. godine u Mostaru,

■ DRAGOSLAV AĆIMOVIĆ zv. „Gaga“, rođen 10.01.1970. godine u Mostaru,

■ MLADEN KANDIĆ zv. „Faca“, „Gena“ i „Švabo“, rođen 31.03.1962. godine u mjestu Prigradačani, općina Mostar,

■ DAMIR ANTELJ zv. Denca rođen 06.11.1967. godine u Mostaru,

Što su:

U periodu od polovine juna 1992. godine pa do avgusta 1992. godine za vrijeme rata i oružanog sukoba u BiH, u okviru širokog i sistematičnog napada Vojske Republike Srpske i Ministarstva unutrašnjih poslova Republike Srpske, na području opštine Nevesinje i sela Zijemlje i Ruište u opštini Mostar usmjerenog na civilno nesrpsko stanovništvo, znajući za taj napad i svjesni da njihove radnje predstavljaju dio tog napada, Zdravko Kandić u svojstvu komandanta 5. bataljona 8. Motorizovane hercegovačke brigade - Nevesinjske brigade VRS, Dragan Đurđić u svojstvu zamjenika komandanta 5. bataljona 8. Motorizovane hercegovačke brigade - Nevesinjske brigade VRS i komandant Interventnog odjeljenja 5. bataljona, Dragan Ivanišević zv. Paki, Milan Trifković, Goran Došlo u svojstvu pripadnika Interventnog odjeljenja 5. bataljona 8. Motorizovane hercegovačke brigade - Nevesinjske brigade VRS, Damir Antelj zv. „Denca“ u svojstvu pripadnika 5. bataljona 8. Motorizovane hercegovačke brigade - Nevesinjske

brigade VRS, Dragoslav Aćimović zv. „Gaga“, Siniša Kandić i Mladen Kandić zv. „Faca“ u svojstvu pripadnika rezervnog sastava milicije SJB Mostar koji su bili u sastavu 5. bataljona 8. Motorizovane hercegovačke brigade - Nevesinjske brigade, vršili progon civilnog nesrpskog stanovništva, postupajući sa diskriminatorskom namjerom na etničkoj i vjerskoj osnovi i to ubistvima, prisilnim nestankom, zatvaranjem ili drugim teškim oduzimanjem fizičke slobode suprotno osnovnim pravilima međunarodnog prava, silovanjem, mučenjem i drugim nečovječnim djelima slične prirode učinjeni sa namjerom nanošenja velike patnje, na način da su:

ZDRAVKO KANDIĆ I DRAGAN ĐURĐIĆ

1. Dana 24.06.1992. godine Zdravka Kandića u svojstvu komandanta 5. bataljona naredio svojim podređenim pripadnicima 5.bataljona napad, nezakonito lišenje slobode i zatvaranje Bošnjačkog civilnog stanovništva zaseoka Šarice u selu Zijemlje u opštini Mostar, što je za posljedici imalo da je Dragan Đurđić zamjenik komadanta 5. bataljona i komandant Interventnog odjeljenja zajedno sa pripadnicima Interventnog odjeljenja i više pripadnika 5. bataljona kojima je komandovao, izvršio napad na zaselak Šarice tako što su naoružani automatskim oružjem sa više strana opkolili zaselak Šarice u kojem su živjeli civili Bošnjačke nacionalnosti, ušli u selo i vršili pretres kuća, te bez bilo kakvog pravnog osnova nezakonito lišili slobode svo zatečeno civilno stanovništvo Bošnjačke nacionalnosti muškarce, žene i djecu, među kojima su bili [REDACTED]

[REDACTED], te ih doveli na jednu livadu u sredini sela, gdje su vojnici u prisustvu Drgana Đurđića izdvojili civile [REDACTED]

[REDACTED] te ih vojnici u prisustvu Dragana Đurđića fizički zlostavljadi tukli ih nogama i kundacima puške po cijelom tijelu namjerno nanoseći im snažan fizički bol i patnje, te vidne povrede po tijelu, da bi jedan od vojnika [REDACTED] nožem urezao krst na čelu, a zatim civilima naredili da uđu u kamion, svi osim [REDACTED]

koje su zadržali na licu mjesta, a ostale civile odvezli u Nevesinje odakle su sprovedeni i zatvoreni u logor u Bileći, dok se civilima [REDACTED] od tada gubi svaki trag i iste se do danas vode kao nestali, a [REDACTED]


[REDACTED] ubijeni i njihova tijela su pronađena i ekshumirana na lokalitetu jama Borisavac u opštini Konjic,

**ZDRAVKO KANDIĆ, DRAGAN ĐURĐIĆ, DRAGAN IVANIŠEVIĆ zv. „PAKI“,
MILAN TRIFKOVIĆ, GORAN DOŠLO, DAMIR ANTELJ zv. „DENCA“,
DRAGOSLAV AĆIMOVIĆ zv. „GAGA“, SINIŠA KANDIĆ I MLAĐEN KANDIĆ
zv. „FACA“**

2. Dana 26.06.1992.godine, pripadnici Interventnog odjeljenja 5. bataljona na planini Velež na lokalitetu Jasenov Do - Teleća Lastva u opštini Mostar zarobili grupu od oko 75 civila Bošnjaka muškaraca, žena i djece koji su zbog napada srpskih vojnih snaga na njihova sela Kljune, Sopilje, Hrušte, Presjeka, Donja i Gornja Bijenja, Kruševljane, Borovčiće, Postoljanje i druga naselja u opštini Nevesinje, pokušali preko planine Velež preći na teritoriju pod kontrolom Armije BiH, te po naređenju komande 5. bataljona zarobljene civile doveli pred školu u selo Zijemlje u opštini Mostar, da bi nedugo zatim pripadnici 5. bataljona pred školu doveli još 10 civila Bošnjaka koji su živjeli u zaseoku Dnopolje u selu Zijemlje, među kojima su bili [REDAKCIJA]

[REDAKCIJA] gdje su razdvojeni muškarci od žena i djece, pa su vojnici i policajci muškarce uvodili u prostorije škole gdje su ih Zdravko Kandić komadant 5. bataljona i Dragan Đurđić zamjenik komadanta 5. bataljona ispitivali, a za koje vrijeme su ih pripadnici 5. bataljona i policajci među kojima je bio Mladen Kandić u prisustvu Zdravka Kandića i Dragana Đurđića u hodniku škole fizički zlostavljavali i premlaćivali udarajući ih po glavi i tijelu nanoseći im tako vidne povrede, posljedicom čega su isti trpili snažan fizički bol i patnju, nakon čega je Zdravko Kandić u prisustvu više vojnika i policajaca naredio da se svi civili muškarci odvedu i ubiju, te su Aćimović Dragoslav i Kandić Siniša zajedno sa drugim vojnicima civile muškarce dovoditi do dva vojna kamiona koji su se nalazili ispred škole u koje su ulazili civili muškarci, pa svjesni da se civili vode na strijeljanje, više vojnika i policajaca među kojima su bili Dragan Đurđić, Dragan Ivanišević, Milan Trifković, Goran Došlo, Damir Antelj, Dragoslav Aćimović i Siniša Kandić, sa više vozila krenuli u pratnji kamiona sa kojim su voženi civili muškarci u kojoj pratnji je bio i Zdravko Kandić, te svi zajedno došli na lokalitet Breza - Dubravica na Zijemlju gdje se nalazi prirodna jama, gdje je izvršeno strijeljanje civila na način da su civile muškarce u manjim grupama od po dva ili tri izvodili iz kamiona i dovodili do ruba jame, gdje su ih zajedno sa drugim vojnicima Dragan Ivanišević, Milan Trifković, Goran Došlo, Damir Antelj pucajnjem iz automatskog oružja ubijali, a tijela ubijenih muškaraca su padala u jamu, dok su Dragan Đurđić, Dragoslav Aćimović, Siniša Kandić zajedno sa Zdravkom Kandićem koji je i nadgledao izvršenje svoje naredbe, stajali polukružno oko jame i kamiona naoružani automatskim puškama i obezbjeđivali lice mesta kako neko od civila ne bi pobjegao, pa kad su ubili sve civile

muškarce neko od prisutnih je u jamu na tijela civila bacio bombu, na koji način su lišili života 31 civila muškaraca i to:




pa su 1999.godine prilikom ekshumacije tame na lokalitetu Dubravica - Breza u jami pronađeni samo manji dijelovi kostiju i predmeti ubijenih civila, jer su tijela ubijenih u cilju prikrivanja ovog zločina iz tame izmještene tokom 1994. godine na druge lokalitete, pa su na lokalitetu Teleća Lastva na planini Velež dana 18.05.1999. godine ekshumirana tijela 27 ubijenih muškaraca, dok je tijelo [REDACTED] pronađeno i ekshumirano na lokalitetu Crna Gora na Zijemlju, tijelo [REDACTED] od strane VRS dato u razmjenu, dok tijelo [REDACTED] do danas nije pronađeno,

ZDRAVKO KANDIĆ,

Dana 26.06.1992. godine Zdravko Kandić u svojstvu komadant 5. bataljona naredio nezakonito lišenje slobode i nezakonito zatvaranje civila žena i djece bošnjačke nacionalnosti koji su dovedeni pred školu na Zijemlju, kako je to navedeno u tački 2. optužnice i razdvojeni od muškaraca koji su odvedeni i ubijeni, na način da je preko svojih podređenih vojnika organizovao njihov transport u Nevesinje i zatvaranje u prostorije Kotlovnice u Nevesinju, gdje su žene i djeca nezakonito zavoreni u jednu manju prostoriju objekta Kotlovnica, pa su u navedenom objektu civili boravili najmanje 4 dana u nehumanim uvjetima, sjedili i lažali na betonskom podu, bez mogućnosti obavljanja bilo kakvih higijenskih potreba, bez hrane i vode, zbog čega su bili prisiljeni piti vlastitu mokraću da bi preživjeli, uslijed čega su trpili snažan psihički bol i patnju, nakon čega se navedenim civilima ženama i djeci od tada gubi svaki trag i do danas se vode kao nestali i to





**ZDRAVKO KANDIĆ, DRAGAN ĐURĐIĆ, DRAGAN IVANIŠEVIĆ zv. „PAKI“,
GORAN DOŠLO, MLADEN KANDIĆ zv. „FACA“**

4. Dana 29.06.1992. godine pripadnici 5. bataljona, kojima je komandovao Zdravko Kandić komandant 5. bataljona, na planini Velež na lokalitetu Teleća Lastva - Jasenov Do u opštini Mostar, zarobili 12 civila Bašnjaka i to [REDAKCIJA]

[REDAKCIJA] koji su zbog napada srpskih snaga na njihova sela Kljune, Sopilje, Hrušte, Presjeka, Donja i Gornja Bijenja, Kruševljanje, Borovčiće, Postoljanje i druga naselja u opštini Nevesinje, pokušali preko planine Velež preći na teritoriju pod kontrolom Armije BiH, te ih doveli pred školu na Zijemlje i predali Dragana Đurđiću zamjeniku komadanta 5. bataljona koji ih je bez pravnog osnova nezakonito zatvorio u jednu prostoriju u školi, gdje je također u jednoj od prostorija škole bio nezakonito zatvoren i civil [REDAKCIJA] koji je na području Zijemlja zarobljen od strane vojnika, a Zdravko Kandić kao komandant 5. bataljona znajući da su njegovi podređeni vojnici zarobili navedene civile, dozvolio da se civili nezakonito zatvore i drže zatvoreni u prostoriji škole po naredbi Dragana

Đurđića, pa kao komandant nije poduzeo mjere kojima bi spriječio mogućnost nezakonitog postupanja njemu podređenih pripadnika prema civilima, omogućivši tako mučenje, silovanje i nečovječno postupanje prema zatvorenim civilima, da bi Dragan Đurđić kao zamjenik Zdravka Kandića komandanta 5. bataljona u prostorijama i hodniku škole vršio ispitivanje navedenih civila, dok su u njegovom prisustvu pripadnicima 5. bataljona među kojima i Mladen Kandić fizički i psihički zlostavljali i mučili navedene civile, na način da su ih iz prostorija u kojima su bili zatvoreni izvodili u hodnik škole pa su tako izvodili

[REDAKCIJA] i premlaćivali udarajući ih po cijelom tijelu, a [REDAKCIJA] nožem rezali po tijelu, [REDAKCIJA]

[REDAKCIJA] kliještima izvadili četiri zuba, na koji način su im nanosili snažnu fizičku bol i patnju i vidne povrede po tijelu, dok su [REDAKCIJA] prilikom ispitivanja, naređivali da se skine prijeteći da će je silovati, tukli je na način da su je šamarali, udarali šakama u predjelu lica od čega je ista krvarila iz usta i nosa, stavljali joj nož ispod vrata i zarezivali po vratu, a [REDAKCIJA] vojnici odveli u potkrovле škole gdje su je najmanje dva vojnika silovala, da bi sutra dan Dragan Đurđić u svojstvu zamjenika komandanta 5. bataljona i komandanta Interventnog odjeljenja 5. bataljona pred školom na Zijemlju u prisustvu više vojnika naredio pripadnicima Interventnog odjeljenja 5. bataljona među kojima su bili Dragan Ivanišević i Goran Došlo da se civili odvezu i ubiju, a Zdravko Kandić kao komandant 5. bataljona koji je bio prisutan ispred škole kad je Dragan Đurđić, kao njegov zamjenik i podređeni, naredio da se civili odvezu i ubiju, nije je poduzeo ništa da to spriječi, pa su u prisustvu Zdravka Kandića i Dragana Đurđića iz škole izvedeni civili [REDAKCIJA]

[REDAKCIJA] i uvedeni na kamion koji se nalazio pred školom na koji kamion su ušli Dragan Ivanišević i Goran Došlo zajedno sa drugim vojnicima, te navedene civile odvezli na lokalitet Doline na Zijemlju gdje se nalazi prirodna jama, te civile doveli do ruba jame gdje su ih Dragan Ivanišević i Goran Došlo zajedno sa drugim vojnicima pucanjem iz automatskog oružja lišili života, nakon čega je neko od prisutnih vojnika u jamu na tijela civila bacili bombu, pa su 1998. godine iz jame na lokalitetu Doline ekshumirana tijela navedenih civila, dok su u prostorijama škole naredna 3 dana nezakoniti bili zatvorene [REDAKCIJA]

[REDAKCIJA], nakon čega su po naredbi Zdravka Kandića predati pripadnicima SJB Nevesinje koji su ih odveli i zatvorili u prostorije SJB Nevesinje,

MLADEF KANDIĆ zv. „FACA“

5. Tačno neutvrđenog dana krajem juna ili početkom jula 1992. godine u zaseoku Šarice na Zijemlju pripadnici 5. bataljona pronašli civila [REDAKCIJA], koji se skriva u Šaricama nakon što je svo civilno stanovništvo iz Šarica odvedeno,

te istog doveli pred školu na Zijemlju, gdje ga je Mladen Kandić lišio života, na način da ga je snažno udario nogom u prijedjelu grudi od kojeg udarca je civil ██████████ pao na zamlju i na licu mesta preminuo, a njegovo tijelo do danas nije pronađeno,

ZDRAVKO KANDIĆ I DRAGAN ĐURĐIĆ

6. Dana 12.07.1992. godine u mjestu Podporim opština Mostar, pripadnici 5. bataljona, koji su bili pod komandom Zdravka Kandića komandanta 5. bataljona, zarobili civile Bošnjačke nacionalnosti ██████████

██████████ te su o zarobljavanju navedenih civila vojnici obavijestili komandu 5. bataljona, nakon čega su civile vojnici po naredbi Dragana Đurđića zamjenika komandanta 5. bataljona vozilom dovezli pred objekat Doma na Rujištu, a Dragan Đurđić kao nadređena osoba, po čijoj naredbi su civili i dovezeni na Rujište, propustio da poduzme nužne i razumne mjere da se navedeni civili zaštite što je zbog pozicije koju je obavljao bio dužan učiniti, pa su zbog njegovog ne činjenja pripadnici 5. bataljona ispred objekta Dom na Rujištu fizički zlostavliali ██████████ na način da mu je jedan vojnik odsjekao uši, nakon čega su navedeni civili od strane pripadnika 5. bataljona odvedeni i ubijeni, te su tijela ██████████

ekshumirani 1998. godine na lokalitetu Doline na Zijemljima, a tijelo ██████████ ekshumirano na lokalitetu Cibela na području Zijemalja, a Zdravko Kandić kao komandant 5. bataljona i nadređena osoba iako je znao da su civili zarobljeni, jer je od strane svojih podređenih vojnika obavješten o zarobljavanju navedenih civila, nije poduzeo nužne i razumne mjere da sprječi učinjenje ovog krivičnog djela, niti je išta poduzeo da učinioce tog djela kazni,

Dakle, u okviru širokog i sistematičnog napada usmjerenog protiv civilnog nesrpskog stanovništva, znajući za taj napad i svjesni da njihove radnje predstavljaju dio tog napada, vršili progon civilnog nesrpskog stanovništva, postupajući sa diskriminatorskom namjerom na etničkoj i vjerskoj osnovi i to:

Zdravko Kandić

- **pod tačkom 1.** zatvaranjem ili drugim teškim oduzimanje fizičke slobode suprotno osnovnim pravilima međunarodnog prava, ubistvom, prisilnim nestankom, mučenjem i drugim nečovječnim djelima slične prirode, učinjenim u namjeri nanošenja velike patnje ili ozbiljne fizičke ili psihičke povrede,
- **pod tačkom 2.** ubistvom, mučenjem i drugim nečovječnim djelima slične prirode, učinjenim u namjeri nanošenja velike patnje ili ozbiljne fizičke ili psihičke povrede
- **pod tačkom 3.** zatvaranjem ili drugim teškim oduzimanje fizičke slobode suprotno osnovnim pravilima međunarodnog prava, drugim nečovječnim

djelima slične prirode, učinjenim u namjeri nanošenja velike patnje ili ozbiljne fizičke ili psihičke povrede ili narušenja zdravlja, prisilnim nestankom,

- *pod tačkom 4. zatvaranjem ili drugim teškim oduzimanje fizičke slobode suprotno osnovnim pravilima međunarodnog prava, mučenjem i drugim nečovječnim djelima slične prirode, učinjenim u namjeri nanošenja velike patnje ili ozbiljne fizičke ili psihičke povrede, silovanjem, ubistvom,*
- *pod tačkom 6. ubistvom,*

Čime je, počinio krivično djelo Zločini protiv čovječnosti iz člana 172. stav 1. tačka h) u vezi sa tačkama a), e), f), g), i), k) a sve u vezi sa članom 21. st. 2. i članom 29. sve u vezi sa članom 180. stav 1. Krivičnog zakona BiH, a u odnosu na tačku 6. u vezi sa članom 180. stav 2. Krivičnog zakona BiH,

Dragan Đurđić

- *pod tačkom 1. - zatvaranjem ili drugim teškim oduzimanje fizičke slobode suprotno osnovnim pravilima međunarodnog prava, ubistvom, prisilnim nestankom, mučenjem i drugim nečovječnim djelima slične prirode, učinjenim u namjeri nanošenja velike patnje ili ozbiljne fizičke ili psihičke povrede,*
- *pod tačkom 2. - ubistvom, , mučenjem i drugim nečovječnim djelima slične prirode, učinjenim u namjeri nanošenja velike patnje ili ozbiljne fizičke ili psihičke povrede,*
- *pod tačkom 4. - zatvaranjem ili drugim teškim oduzimanje fizičke slobode suprotno osnovnim pravilima međunarodnog prava, mučenjem i drugim nečovječnim djelima slične prirode, učinjenim u namjeri nanošenja velike patnje ili ozbiljne fizičke ili psihičke povrede, silovanjem, ubistvom,*
- *pod tačkom 6. – mučenjem, ubistvom,*

Čime je, počinio krivično djelo Zločini protiv čovječnosti iz člana 172. stav 1. tačka h) u vezi sa tačkama a), e), f), g), i), k) a sve u vezi sa članom 21. stav 2. i članom 29. u vezi sa članom 180. stav 1. Krivičnog zakona BiH,

Dragan Ivanišević i Goran Došlo

- *pod tačkama 2 i 4 –ubistvom,*

Čime su, počinili krivično djelo Zločini protiv čovječnosti iz člana 172. stav 1. tačka h) u vezi sa tačkom a) a sve u vezi sa članom 29. i članom 180. stav 1. Krivičnog zakona BiH

Milan Trifković, Damir Antelj, Dragoslav Aćimović i Siniša Kandić

- *pod tačkom 2. – ubistvom,*

Čime su, počinili krivično djelo Zločini protiv čovječnosti iz člana 172. stav 1. tačka h) u vezi sa tačkom a) a sve u vezi sa članom 29. i članom 180. stav 1. Krivičnog zakona BiH

Mladen Kandić

- *pod tačkama 2. i 4. – mučenjem i drugim nečovječnim djelima slične prirode, učinjenim u namjeri nanošenja velike patnje ili ozbiljne fizičke ili psihičke povrede ili narušenja zdravlja,*
- *pod tačkom 5. – ubistvom,*

Čime je, počinio krivično djelo Zločini protiv čovječnosti iz člana 172. stav 1. tačka h) u vezi sa tačkom a), f), k) a sve u vezi sa članom 29. i članom 180. stav 1. Krivičnog zakona BiH

ZDRAVKO KANDIĆ

7. Za vrijeme rata i oružanog sukoba na teritoriji BiH između Armije Republike Bosne i Hercegovine i Vojske Republike Srpske, tokom 1995. godina, u svojstvu pomoćnika načelnika štaba za obavještajne poslove Nevesinjske brigade, postupao suprotno pravilima Međunarodnog humanitarnog prava, članu 3. stav 1. tačka a) III Ženevske konvencije o postupanju sa ratnim zarobljenicima od 12.08.1949. godine, na način da je naredio vojnim policajcima da liše života ratne zarobljenike, i to tako što je:

U prvoj polovini avgusta 1995. godine, a nakon što su pripadnici Nevesinjske brigade VRS na području Podveležja u opštini Mostar, zarobili pripadnike Armije BiH i to

[redacted], te iste doveli u komandu Nevesinjske brigade na lokalitet Prijeki Grm, te ih predali Zdravku Kandiću koji ih je ispitivao kojom prilikom su fizički zlostavljeni, a zatim naredio vojnim policajcima da jednog po jednog zarobljenog vojnika iz prostorije gdje ih je ispitivao izvedu i ubiju, što su isti i učinili, na način da su zarobljene vojnike odvodili iza prostorije u kojoj su ispitivani i odmah tu na licu mesta pucajući iz vatrenog oružja ubijali, na koji način su lišili života sve navedene zarobljenike.

Dakle, za vrijeme rata i oružanog sukoba između Armije BiH i Vojske Republike Srpske, kršeći pravila međunarodnog prava naredio ubistva ratnih zarobljenika

Čime je, počinio krivično djelo Ratni zločin protiv ratnih zarobljenika iz čl. 175 tačka a), u vezi sa članom 180 stav 1. KZ BiH.

TUŽILAC
TUŽILAŠTVA/TUŽITELJSTVA BIH
